

全港詩詞律詩

創作比賽

公共圖書館自一九九一年起舉辦「全港詩詞創作比賽」，單年比詩，雙年比詞，旨在提高市民之中國語文運用及韻文欣賞的能力。今年舉辦的「第二十三屆全港詩詞創作比賽」，已是第十二度的「律詩比賽」。評審委員有何文匯教授、周錫靚教授、陳志清教授、黃坤堯教授及劉衛林教授。

比賽分學生組及公開組，題材由作者自定，五言或七言律詩不拘，用韻則限用「十一真」及「十一尤」二韻。今屆的參賽者非常踴躍，共收到一千二百多份參賽作品，數量為歷屆之冠。學生組參賽者來自各大專院校及高中學生；公開組參賽者則來自社會不同階層。是屆參賽者的作品水準甚高，評審委員經初選、複選，反覆討論，才能決定名次。為確保評選公正，整個評審過程採用糊名方式進行。評判團更約見了學生組入選參賽者，並要求入選者即席對聯，才定出優勝作品。

學生組

冠軍

〈重遊東海崂山〉

■ 柳含青·香港中文大學

重峰疊秀海雲浮，自古仙家此境幽。
高壁時題高士詠，故山昔與故人遊。
懸泉瀑激飛如練，積水潭清冷欲秋。
尚許翠微多嫵媚，有情好景為君留。

亞軍

〈啟德〉

■ 黃榮杰·香港教育學院

曩昔橫空過鳥頻，邇來滄海復揚塵。
機坪遠近芳菲吐，幹道縱橫大廈新。
欲見興圖興計策，猶聞工事競昏晨。
郵船鳴笛知臨岸，習習鷗風接外賓。

季軍

〈風〉

■ 黃照·香港浸會大學

風流長萬古，兩袖自藏身。
來去時隨意，縱橫為逐塵。
無心通世道，有興託詩人。
天地尋何處，千山一夜春。

優異獎

〈遊船灣〉

■ 莊淑雯·香港中文大學

天倒群山起，湖平碧玉浮。
橫堤連海氣，亂石出巉丘。
路直長風嘯，潮微獨鶴留。
登崖心更遠，萬里逐輕鷗。

優異獎

〈春暮〉

■ 張瑞芬·香港樹仁大學

柳絲無力東風弱，日暮花零水自流。
獨倚闌干紅淚落，遙看帆影彩霞浮。
惜春人共芳華瘦，送客亭憐飛絮稠。
最憶當年圍圃裡，雙雙蝴蝶不知愁。

優異獎

〈十一海難〉

■ 劉智德·香港理工大學

此夜遊卿兩岸遊，清風似笑玉人羞。
方才接浪初追月，倏忽聞聲已廢舟。
共赴冰濤攜夢結，何需雪鬢證情留。
驚鴛一輩皆無悔，挽手黃泉對白頭。

優異獎

〈春日抒懷〉

■ 方富永

暮歲逢春倍惜春，芳時尋樂莫辭頻。
襟懷有寄渾忘老，風物無邊入望新。
極目天高雲弄影，徐行林靜鳥窺人。
倚筇凝佇花前醉，撫景翻疑夢裡身。

優異獎

〈秋遊遇雨偶作〉

■ 陳卿庭

匆匆歲月孰能留，雁去雁來春復秋。
楓樹火紅依碧渚，蘆花雪白抱清流。
扁舟數葉煙波港，長笛一聲風雨樓。
把酒笑談千古事，雲山渺渺水悠悠。

優異獎

〈遊莽山泛舟便江〉

■ 陳樵山

莽莽萬山秋，深藏酒店幽。
溪沿古徑入，雲湧亂峰浮。
佛剎高崖築，便江碧玉流。
扁舟蘆荻岸，微醉狎沙鷗。

冠軍

〈假牙〉

■ 鄒繼洲

編貝凋零合換新，一朝再訛喜回春。
啟唇便見排齊整，注目無從辨假真。
莫道蠟槍徒冒鐵，須知瓷釜足雕珉。
珍羞今後悠然嚼，愛此螟蛉勝至親。

亞軍

〈過浩園抗疫殉職公僕墓〉

■ 李裕韜

寂寂園亭十度秋，壓城風雨泣松楸。
骨枯命繫新針藥，羽化魂歸舊冢丘。
癘疫潛形差可退，瘡痍餘痛未全瘳。
又聞瘴疾侵鄉里，一市驚弦口罩樓。

季軍

〈山泉〉

■ 黃以芍

家住深山最盡頭，漫同竹石度春秋。
一灣明淨堪為鏡，十足清涼好沁喉。
松鶴有時頻照影，山雞無刻不凝眸。
可憐纔觸江河水，便混滔滔濁浪流。

公開組

優異獎

〈戲詠雪糕〉

■ 羅光輝·香港浸會大學

年年盛夏汗難收，倩得清霜解暑愁。
久滯蟾宮身易冷，稍逢陽景骨還柔。
嘲余未餓閑伸舌，嘆爾何憂早白頭。
世上炎涼驚一度，冰心暫向口中留。

優異獎

〈歲暮讀書有感〉

■ 羅偉深·香港中文大學

連日氣寒心更熱，輕衣秉牘興津津。
向來世俗多煩擾，惟有詩書獨厚淳。
鞅掌不知年月過，逍遙始覺性情新。
軒前夕照流霞去，舊事如煙花待春。

特別獎

〈見長者拾紙皮贈鈔感賦〉

■ 王錦洪

翁媪淒涼小巷頭，紙皮堆疊待回收。
蹣跚蹇足俱殘障，憔悴彎腰兩偃僂。
愧我窮寒施薄贈，憐渠辛苦換微酬。
問言何事甘勞累，兒女嫌貧怨代溝。

特別獎

〈前調景嶺村老兵〉

■ 吳碩駿

一別英雄地，南荒少戍樓。
賦閒居半世，光復待千秋。
寨屋依山拔，旌旗遍野收。
攜扶還嶺外，壯志欲何酬。

優異獎

〈謁中正陵寢〉

■ 葉炯光

厝舍登臨笑語收，恐驚清睡起潛虬。
空林芳草黏天碧，細雨啼鴉向晚愁。
霸業槐安原是夢，蒼生杞國獨成憂。
攻城略地了無益，老去謀身土一丘。

優異獎

〈春望〉

■ 潘少孟

史實無瞞黑白真，變遷陵谷漫尋因。
桃源久歷滄桑事，鯉海曾翻劫難塵。
業創艱難惟魄力，功成點滴憶酸辛。
春光不與人留戀，海角紛爭困小民。

特別獎

〈秋怨〉

■ 胡穎祺·沙田崇真中學

萬里江天際，星霜值暮秋。
金風吹落葉，玉露入清流。
世事誰能解，功名豈易求。
難消心緒亂，獨坐倍添愁。

特別獎

〈世雨〉

■ 黃希如·沙田崇真中學

亂緒雷霆驚嫩葉，滂沱墜地入清晨。
窗邊凜冽流蘇曳，宇內悠揚韻律新。
總見污泥遮璞玉，唯持一帶了斯塵。
休言愁世多磨折，風雨飄搖莫當真。

*優異獎及特別獎排名按姓氏筆劃序

新輝印刷有限公司印製

*優異獎及特別獎排名按姓氏筆劃序

第二十三屆

全港詩詞

創作比賽

律詩

獲獎作品